



XALQ DEPUTATLARI SHIRIN SHAHAR KENGASHI QARORI

2022 - yil 18 - avgust

VI-48-132-9-131-K/22

Shirin shahar hokimligi

Xalq deputatlari Shirin shahar Kengashining “Xalq deputatlari mahalliy Kengashlari tomonidan To‘ylar, oilaviy tantanalar, ma’raka va marosimlar o‘tkazilishini tartibga solish tizimini yanada takomillashtirish to‘g‘risida” 2019-yil 18-sentabrdagi 38-162-son qaroriga o‘zgartirishlar kiritish to‘g‘risida

O‘zbekiston Respublikasi Oliy Majlisi Qonunchilik palatasi Kengashining va O‘zbekiston Respublikasi Oliy Majlisi Senati Kengashining 2019-yil 14-sentabrdagi “To‘ylar, oilaviy tantanalar, ma’raka va marosimlar o‘tkazilishini tartibga solish tizimini yanada takomillashtirish to‘g‘risida”gi 2736-III/QQ-592-III-son Qo‘shma qarori ijrosini ta’minalash hamda to‘ylar, oilaviy tantanalar, ma’raka va marosimlar o‘tkazishni ixchamlashtirish, namunali oilaviy tadbirlar o‘tkazilishini tashkil etish va ushbu masalada targ‘ibot-tashviqot ishlarini kuchaytirish hamda doimiy monitoringini yo‘lga qo‘yish maqsadida, “Mahalliy davlat hokimiyati to‘g‘risida”gi O‘zbekiston Respublikasi Qonunining 6 va 24-moddalariga muvofiq Xalq deputatlari Shirin shahar Kengashi **qaror qiladi**:

1. O‘zbekiston Respublikasi Oliy Majlisi Qonunchilik palatasi Kengashining va O‘zbekiston Respublikasi Oliy Majlisi Senati Kengashining 2019-yil 14-sentabrdagi “To‘ylar, oilaviy tantanalar, ma’raka va marosimlar o‘tkazilishini tartibga solish tizimini yanada takomillashtirish to‘g‘risida”gi 2736-III/QQ-592-III-son qo‘shma qarori ma’lumot va ijro uchun qabul qilinsin.

2. Xalq deputatlari Shirin shahar Kengashining 2019-yil 18-sentabrdagi 38-162-son qarori quyidagi tartibda bayon qilinsin:

- To‘ylar, oilaviy tantanalar, ma’raka va marosimlar o‘tkazilishini tartibga solish to‘g‘risidagi Nizom 1-ilovaga, Xalq deputatlari Shirin shahar Kengashi

huzurida to‘ylar, oilaviy tantanalar ma’raka va marosimlar o‘tkazilishini muvofiqlashtirish bo‘yicha komissiyasi tuzilsin va uning tarkibi 2-ilovaga muvofiq tasdiqlansin.

3. Shirin shahar sharoitidan kelib chiqib, osh berish marosimining vaqtি soat 06:00 dan 08:00 gacha etib belgilansin.

4. O‘zbekiston Respublikasi hududidagi mavjud sanitariya-epidemiologik vaziyatdan kelib chiqqan holda va aholi salomatligini muhofaza qilish maqsadida to‘ylar, oilaviy tantanalar, ma’raka va marosimlarni O‘zbekiston Respublikasiga koronavirusning kirib kelishi va tarqalishining oldini olish bo‘yicha chora-tadbirlar dasturini tayyorlash bo‘yicha respublika maxsus komissiyasi qarorlari talablariga qat’iy rioya qilgan holda o‘tkazilishi ta’milansin.

5. Shirin shahar hokimining birinchi o‘rinbosari (M. Kuvandiqov), shahar madaniyat bo‘limi (M. Erkinov) lar to‘ylar, oilaviy tantanalar, ma’raka va marosimlarni milliy qadriyatlarga mos tarzda ixcham va kamxarj o‘tkazishga erishish uchun san’atkorlar tomonidan xizmatlar ko‘rsatilishini tartibga solish choralarini ko‘rsin.

6. Shirin shahar ichki ishlar bo‘limi boshlig‘i (A. Xolmatov) to‘ylar, oilaviy tantanalar, ma’raka va marosimlar o‘tkazilishida jamoat tartibi va yo‘l harakati xavfsizligini ta’minalash hamda fuqarolar xavfsizligiga jiddiy xavf solishi mumkin bo‘lgan ko‘ngilsiz holatlarning oldini olish choralarini doimiy ravishda ko‘rib borsin.

7. Shirin shahar bosh imom xatibi (L. Zokirov) to‘ylar, oilaviy tantanalar, ma’raka va marosimlar davomida muqaddas dinimiz talablariga zid bo‘lgan turli odat va rasm-rusumlar o‘tkazilishining oldini olish bo‘yicha qo‘srimcha choralarini ko‘rsin, bu borada diniy tashkilotlarning vakolatli vakillari mas’uliyatini yanada kuchaytirsin.

8. Xalq deputatlari Shirin shahar Kengashi huzurida To‘ylar, oilaviy tantanalar, ma’raka va marosimlar o‘tkazilishini muvofiqlashtirish bo‘yicha komissiyasi, shahar IIB boshlig‘i (A. Xolmatov) va shahar Mahalla va nuroniyarlarni qo‘llab-quvvatlash bo‘limi boshlig‘i (R. Boyqobilov) bilan birgalikda Nizom talablaridan kelib chiqib, to‘ylar, oilaviy tantanalar, ma’raka va marosimlarni tashkil etish va o‘tkazishda ichki ishlar organlari profilaktika inspektorlari hamda mahalla fuqarolari yig‘inlari raislarining faoliyatini tashkil etish choralarini ko‘rsin.

9. Shirin shahar hokimligi matbuot xizmati (Sh. Abduqunduzov):

- ommaviy axborot vositalari va ijtimoiy tarmoqlarda to‘ylar, oilaviy tantanalar, ma’raka va marosimlarni o‘tkazish tartibiga rioya etilishi holati, urfodatlarimiz va an’analalarimizning haqiqiy mohiyati hamda ahamiyatini keng yoritib borish, aholi orasida targ‘ibot-tashviqot ishlarini tizimli tashkil etish tavsiya etilsin.

- mazkur qarorning shahar hokimligining rasmiy veb-saytiga joylashtirilishi ta’mirlansin va mazkur qaror shahar hokimligining “Shirin sadosi” gazetasida (O. Ashurqulov) rasman e’lon qilinsin.

10. Xalq deputatlari Shirin shahar Kengashi huzurida To‘ylar, oilaviy tantanalar, ma’raka va marosimlar o‘tkazilishini muvofiqlashtirish bo‘yicha komissiyasi to‘ylar, oilaviy tantanalar, ma’raka va marosimlar o‘tkazilishining doimiy monitoringini amalga oshirib borsin va uning natijalariga ko‘ra tegishli takliflarni xalq deputatlari shahar Kengashiga kiritib borsin.

11. Xalq deputatlari Shirin shahar Kengashining tegishli doimiy komissiyalari ushbu qarorning ijrosi yuzasidan yil yakunlari bo‘yicha xalq deputatlari Shirin shahar Kengashiga axborot kiritib borsin.

12. Mazkur qarorning ijrosini nazorat qilish Xalq deputatlari Shirin shahar Kengashining doimiy komissiyalari zimmasiga yuklatilsin.

13. Ushbu qaror qabul qilingan kundan kuchga kiradi.

Kengash raisi



S.Sultonov

Xalq deputatlari Shirin shahar
Kengashining
2022 yil 18 avgustdag'i
VI-48-132-9-131-K/22-son qaroriga
1-ilova

To‘ylar, oilaviy tantanalar, ma’raka va marosimlar o‘tkazilishini tartibga solish to‘g‘risida

NIZOM

1-bob. Umumiy qoidalar

1. Ushbu Nizom to‘ylar, oilaviy tantanalar, ma’raka va marosimlarni o‘tkazish bilan bog‘liq munosabatlarni tartibga soladi hamda xalqimizning milliy urf-odatlari, ma’naviyati, madaniyati, an’analari va qadriyatlarini hurmat qilishga, jamoat tartibini saqlashga, fuqarolarning huquqlarini himoya qilishga, oilaviy tadbirlarni o‘tkazishda shuhratparastlik, dabdaba va isrofgarchilikning oldini olishga qaratilgan.

Mazkur Nizom Shirin shaharda o‘tkaziladigan rasmiy marosimlar, davlat va jamiyat oldidagi buyuk xizmatlariga ega shaxslarni xotirlash va yubiley munosabatlari bilan bo‘lib o‘tadigan, shuningdek, davlat idoralari, korxona va muassasalarning tashkil etilgan kuni bilan bog‘liq tadbirlarga nisbatan tatbiq etilmaydi.

2. To‘ylar, oilaviy tantanalar, ma’raka va marosimlar o‘tkazilishini tartibga solishda ijtimoiyadolat va qonuniylik, milliy urf-odat va qadriyatlarga sodiqlik, boshqa din va millat vakillarining urf-odatlarini hurmat qilish hamda jamoatchilik fikrini inobatga olish tamoyillariga rioya etiladi.

2-bob. To‘ylar, oilaviy tantanalar, ma’raka va marosimlarni o‘tkazish tartibiga qo‘yiladigan umumiy talablar

3. To‘ylar, oilaviy tantanalar, ma’raka va marosimlar faqat bir kun (dafn etish marosimi bundan mustasno) soat 06:00 va 23:00 oralig‘ida o‘tkaziladi.

Soat 23:00 dan keyin to‘ylar, oilaviy tantanalar, ma’raka va marosimlarni davom ettirishga yo‘l qo‘yilmaydi.

To‘ylar, oilaviy tantanalar, ma’raka va marosimlarda 200 nafargacha, mazkur tadbirlar munosabati bilan osh berish marosimida 250 nafargacha kishi qatnashadi.

Qo‘shaloq to‘ylarda 250 nafargacha, u bilan bog‘liq, osh berish marosimida

300 nafargacha kishi qatnashishi mumkin.

Dafn etish va motam marosimlari ko‘pi bilan uch kun mobaynida cheklanmagan miqdordagi fuqarolar ishtirokida o‘tkazilishi mumkin, osh berish marosimi bundan mustasno.

4. To‘ylar, oilaviy tantanalar, ma’raka va marosimlarni o‘tkazishda:

to‘y o‘tkazuvchi shaxslar to‘ydan kamida bir hafta oldin yashash joyidagi fuqarolarning o‘zini o‘zi boshqarish organlarini xabardor qilishi;

nikohni davlat ro‘yxatidan o‘tkazish, kelin-kuyovning to‘yxonaga kelishi va ketishi bilan bog‘liq oilaviy tadbirlarda 3 tadan ko‘p bo‘lgan yengil avtomashinadan yoki jamoat xavfsizligiga tahdid soluvchi boshqa transport vositalaridan foydalanmaslik;

to‘ylar, oilaviy tantanalar, ma’raka va marosimlarda pulli avtotransport xizmati litsenziyaga ega bo‘lмаган ташувчилар томонидан ко‘rsatilishiga yo‘l qo‘ymaslik, to‘y egalarining shaxsiy avtomashinalaridan hamda homiylar yordamida jalb etilgan avtotransport vositalaridan foydalanilgan hollar bundan mustasno;

shuhratparastlik, dabdababozlik va isrofgarchilikka yo‘l qo‘ymaslik;

mahallalardagi ijtimoiy-ma’naviy muhit barqarorligiga putur yetkazmaslik, jamiyatda shakllangan odob-axloq qoidalariga qat’iy amal qilish talab etiladi.

5. To‘ylar, oilaviy tantanalar, ma’raka va marosimlarda diniy mavzuda ma’ruza ko‘zda tutilgan bo‘lsa, ushbu ma’ruza diniy tashkilotning vakolatli vakili tomonidan o‘qiladi.

6. To‘ylar, oilaviy tantanalar, ma’raka va marosimlarda litsenziyalanadigan faoliyat turidan foydalanilgan taqdirda, litsenziyali xizmat ko‘rsatadigan jismoniy va yuridik shaxslar to‘yxona, kafe, restoran ma’muriyatiga va ushbu xizmatdan foydalanuvchilarga bu kabi xizmatlarni ko‘rsatishga ruxsat beruvchi litsenziyaning nusxasini taqdim etadi.

7. Milliy an’analarga yot, odob-axloq qoidalariga zid bo‘lgan turli shoulnarni, ortiqcha vaqt va harajat talab qiladigan to‘ylar, oilaviy tantanalardan oldingi, tadbir davomidagi va undan keyingi qo‘sishma rasm-rusumlarni (“kelin navkari”, “chorlar”, “ota ko‘rdi”, “sep yoydi”, “quda chaqirdi”, “kuyov chaqirdi”, “kelin chaqirdi”, “tug‘ora yuborish”, “pul sochish” va hokazolarni) o‘tkazishga yo‘l

qo‘yilmaydi.

Dafn etish va motam marosimlari bilan bog‘liq ortiqcha tadbirlarni (“yetti, “payshanbalik”, “yigirma”, “qirq”, “yil oshi”, “pul tarqatish”, “mato ulashish” va hokazolarni) o‘tkazishga yo‘l qo‘yilmaydi.

8. To‘yxona, kafe va restoranlarda to‘ylar, oilaviy tantanalar, ma’raka va marosimlarni o‘tkazishda:

to‘ylar, oilaviy tantanalar, ma’raka va marosimlar ishtirokchilari soniga, ularni o‘tkazish vaqtiga qat’iy rioya etish;

atrofda yashovchi aholining tinchligi va osoyishtaligini hamda maishiy shovqinga qarshi kurash bo‘yicha qonun hujjatlarida belgilangan talablarni buzmaslik;

oziq-ovqat mahsulotlari sifat sertifikati talablari darajasida bo‘lishi hamda sanitariya-gigiena qoidalariga rioya etish lozim.

9. To‘yxona, kafe va restoranlarda 50 va undan ortiq shaxs ishtirokida to‘ylar, oilaviy tantanalar, ma’raka va marosimlar o‘tkazish uchun tadbir o‘tkazuvchi shaxs hamda to‘yxona, kafe va restoran rahbari o‘rtasida shartnomada tuziladi. Shartnomada tomonlarning huquq va majburiyatları, ish va xizmat turi, to‘lov, xarajatlar miqdori, tadbir ishtirokchilari soni, muddati hamda amaldagi qonun hujjatlarida belgilangan boshqa talablar ko‘rsatiladi.

To‘ylar, oilaviy tantanalar, ma’raka va marosimlarda san’atkorlar (xonanda, sozanda, raqqosa, boshlovchi, so‘z ustasi, fotograf va boshqalar) qonun hujjatlariga muvofiq shartnomada asosida xizmat ko‘rsatadi.

To‘ylar, oilaviy tantanalar, ma’raka va marosimlarda ikki nafardan ortiq xonandaning (guruhning) xizmat ko‘rsatishiga yo‘l qo‘yilmaydi.

10. To‘yxona, kafe va restoranlar ma’muriyati to‘ylar, oilaviy tantanalar, ma’raka va marosimlar o‘tkazilayotganda xavfsizlik choralarini ta’minlashi shart.

11. Ushbu Nizomning 3, 4-bandlarida, 8-bandining uchinchi va to‘rtinchi, xatboshilarida, 9-bandining ikkinchi, uchinchi xatboshilarida, 10-bandida nazarda tutilgan qoidalar xonadonlarda (guzarlarda) tashkil etiladigan to‘ylar, oilaviy tantanalar, ma’raka va marosimlarga ham tatbiq etiladi.

3-bob. To‘ylar, oilaviy tantanalar, ma’raka va marosimlarni o‘tkazishda jamoatchilik va davlat organlarining ishtiroki

12. Xalq deputatlari Shirin shahar Kengashi To‘ylar, oilaviy tantanalar, ma’raka va marosimlar o‘tkazilishini muvofiqlashtirish bo‘yicha komissiya (bundan buyon matnda Komissiya deb yuritiladi)si, shahar mahalla va nuroniylarnini qo‘llab-quvvatlash bo‘limi, shahar “Nuroniyalar” jamoatchilik Kengashi, Respublika Ma’naviyat va ma’rifat markazi shahar bo‘linmasi, shahar bosh imom-xatibi, O‘zbekiston Yoshlar Ittifoqi Shirin shahar Kengashi o‘z vakolatlari doirasida shaharda to‘ylar, oilaviy tantanalar, ma’raka va marosimlar o‘tkazilishi ustidan jamoatchilik nazorati tashkil etilishini ta’minlaydi.

13. Komissiya:

to‘ylar, oilaviy tantanalar, ma’raka va marosimlar o‘tkazilishi ustidan jamoatchilik nazoratini tashkil etadi, shuningdek, bu borada monitoringni amalga oshiradi;

keng jamoatchilik fikrini o‘rgangan holda to‘ylar, oilaviy tantanalar, ma’raka va marosimlarni o‘tkazishga oid qonun hujjatlarini takomillashtirish bo‘yicha takliflar ishlab chiqadi;

to‘ylar, oilaviy tantanalar, ma’raka va marosimlarni ixcham, isrofgarchiliksiz va belgilangan talablar asosida o‘tkazish bo‘yicha aholi o‘rtasida targ‘ibot ishlarini olib boradi hamda o‘rnatilgan tartibga rioya etmagan fuqarolarni mahalla fuqarolar yig‘iniga taklif qilgan holda jamoatchilik o‘rtasida muhokama qiladi.

14. Shirin shahar mahalla va nuroniylarni qo‘llab-quvvatlash bo‘limi, shahar “Nuroniyalar” jamoatchilik Kengashi:

to‘ylar, oilaviy tantanalar, ma’raka va marosimlarni o‘tkazish bilan bog‘liq milliy qadriyatlarga, axloq qoidalariga zid bo‘lgan marosimlar, nomaqbul odatlar va ularning salbiy oqibatlari to‘g‘risida tushuntirish ishlarini olib borishi va tegishli tavsiyalar berishi;

to‘y egalari tomonidan sodir etiladigan milliy urf-odat va an’analarni mensimaslik, shuhratparastlik, isrofgarchilik kabi xatti-harakatlar ustidan jamoatchilik nazoratini o‘rnatishi, tegishli talablarga rioya etilmagan holatlarni jamoatchilik muhokamasiga olib chiqishi;

to‘ylar, oilaviy tantanalar, ma’raka va marosimlarni ixcham, keng aholi manfaatlarini, milliy qadriyat va an’analarni hisobga olgan holda, ijtimoiy tabaqalanishga yo‘l qo‘ymasdan o‘tkazish bo‘yicha jamoaviy suhbatlar tashkil

etishi;

hududda o‘tkazilishi rejalashtirilgan har bir oilaviy tadbirdan xabardor bo‘lishi, uning o‘tkaziladigan joyi, ishtirokchilar soni bo‘yicha ma’lumotga ega bo‘lishi;

to‘ylar, oilaviy tantanalar, ma’raka va marosimlardan oldin va keyin o‘tkaziladigan ortiqcha rasm-rusum va marosimlarning oldini olish choralarini ko‘rishi lozim.

15. Respublika Ma’naviyat va ma’rifat markazi shahar bo‘linmasi: to‘ylar, oilaviy tantanalar, ma’raka va marosimlarda milliy qadriyatlarimizga yot bo‘lgan “ommaviy madaniyat” unsurlari namoyon bo‘lishining oldini olish maqsadida muntazam ma’naviy-ma’rifiy targ‘ibot ishlarini olib borishi;

ommaviy axborot vositalari va ijtimoiy tarmoqlar orqali namunali to‘ylar, oilaviy tantanalar, ma’raka va marosimlar haqida jamoatchilik fikrini shakllantirishi, ijtimoiy roliklar yaratishi, uslubiy qo‘llanmalar va targ‘ibot materiallari tayyorlashi;

shahar hokimligi bilan hamkorlikda FHDYo idoralarida nikohdan o‘tayotgan kelin-kuyovlarga oila ma’naviyati, axloqi va ajdodlarimizning mustahkam oila haqidagi o‘gitlari bayon qilingan ma’lumotlar, kitoblar va boshqa materiallar berib borish amaliyotini yo‘lga qo‘yishi lozim.

16. Shirin shahar mahalla va nuroniyarlarni qo‘llab-quvvatlash bo‘limi:

to‘ylar, oilaviy tantanalar, ma’raka va marosimlar o‘tkazishni rejalashtirgan oila vakillari bilan, ayniqlsa, nikohning ilk davrlarida er-xotin va ularning ota-onalari o‘rtasidagi munosabatlarni mustahkamlash borasida suhbatlar tashkil etishi;

xotin-qizlarga to‘ylar, oilaviy tantanalar, ma’raka va marosimlarni kamxarj qilib o‘tkazishni, ularda ortiqcha isrofgarchilikka berilish oila iqtisodiga va yosh oilaning mustahkamligiga salbiy ta’sir ko‘rsatishini hayotiy misollar orqali keng tushuntirishi;

“Ota-onalar universiteti” mashg‘ulotlarida sarpo, buyum yig‘ishga ruju qo‘yish, oila byudjetini noto‘g‘ri rejalashtirish va boshqa nosog‘lom orzu-havaslarning salbiy oqibatlarini tushuntirishi lozim.

17. O‘zbekiston yoshlar ittifoqi Shirin shahar Kengashi:

turmush qurish arafasida turgan yoshlar bilan ijtimoiy-psixologik suhbatlar

uyushtirishi, ularni oilaviy hayotga tayyorlashi, to‘ylar, oilaviy tantanalar, ma’raka va marosimlarni ixcham va isrofgarchiliksiz o‘tkazish bo‘yicha targ‘ibot ishlarini olib borishi;

yoshlar o‘rtasida urf bo‘layotgan “ommaviy madaniyat”, “sevgi tarixi”, qimmatbaho mashinalar korteji va boshqalarning salbiy oqibatlarini ko‘rsatib beradigan ijtimoiy roliklar va filmlar, badiiy asarlar bilan tanishishni targ‘ib qilish tadbirlarini amalga oshirishi lozim.

18. FHDYo organi:

nikohdan o‘tish maqsadida ariza bergen shaxslar hamda ularning ota-onalari bilan yashash joylarida, mahallada suhbatlar uyushtirishi, ularga nikohdan o‘tish tartib-taomillari, to‘y marosimlarini kamxarj va ixcham o‘tkazish bo‘yicha tushuntirish berishi;

shahar hokimligi va boshqa tashkilotlar bilan birgalikda din ulamolari, tibbiyot xodimlari, psixologlar ishtirokida “Yosh kelin-kuyovlar klubi”, “Oila maktab”, “Qudalar suhbati” kabi kurslar tashkil qilishi;

nikohdan o‘tish haqidagi arizani ro‘yxatdan o‘tkazgandan so‘ng uch ish kunida nikohlanuvchi shaxslar yashayotgan mahalla fuqarolar yig‘inini bu haqda xabardor qilishi lozim.

19. Ichki ishlar organlari profilaktika inspektori fuqarolarning o‘zini o‘zi boshqarish organlari bilan birgalikda fuqarolar o‘rtasida to‘ylar, oilaviy tantanalar, ma’raka va marosimlarni ixcham va kamxarj o‘tkazishga, jamiyatda qabul qilingan xulq-atvor normalari va qoidalarini aholi ongiga singdirishga, to‘ylar, oilaviy tantanalar, ma’raka va marosimlarning shuhratparastlik va dabdaba bilan o‘tkazilishining oldini olishga qaratilgan aniq va maqsadli profilaktik tadbirlarni tashkil etishi, shuningdek bunday tadbirlar davomida jamoat tartibini ta’minlashi lozim.

To‘yxona, kafe va restoranlar ma’muriyati rejalashtirilayotgan to‘ylar, oilaviy tantanalar, ma’raka va marosimlar haqida ushbu tadbirlar o‘tkazilishidan kamida ikki kun oldin tegishli hududdagi ichki ishlar organiga yozma ravishda xabar berishi lozim.

20. Xalq deputatlari Shirin shahar Kengashi to‘ylar, oilaviy tantanalar, ma’raka va marosimlarni o‘tkazishga oid qonun hujjatlari ijro etilishi ustidan doimiy deputatlik nazoratini amalga oshiradi.

Deputatlik nazorati natijalari bo‘yicha mahalliy urf-odatlar, milliy an’analardan kelib chiqib, xalq deputatlari Shirin shahar Kengashi tomonidan ushbu Nizom doirasida tegishli shahar hududidagi to‘ylar, oilaviy tantanalar, ma’raka va marosimlarni o‘tkazish bilan bog‘liq boshqa qo‘sishimcha talablar hamda tavsiyalar belgilanishi mumkin.

Xalq deputatlari Shirin shahar
Kengashining
2022 yil 18 avgustdagি
VI-48-132-9-131-K/22-son qaroriga
2-ilova

**Xalq deputatlari Shirin shahar Kengashi huzuridagi To‘ylar, oilaviy tantanalar, ma’raka
va marosimlar o‘tkazilishini muvofiqlashtirish bo‘yicha**

KOMISSIYA TARKIBI

T/r	Ismi, sharfi	Lavozimi
1	N. Alimova	Shirin shahar hokimining yoshlar siyosati, ijtimoiy rivojlantirish va ma’naviy-ma’rifiy masalalar bo‘yicha o‘rinbosari, komissiya raisi
2	M. Salimova	Xalq deputatlari Shirin shahar Kengashi kotibiyati mudiri, komissiya raisi o‘rinbosari
3	O. Egamberdiyeva	Xalq deputatlari Shirin shahar Kengashi Ta’lim, sog‘liqni saqlash, madaniyat, sport va ijtimoiy himoya masalalari bo‘yicha komissiyasi raisi, komissiya kotibi
4	R. Boyqobilov	Shirin shahar hokimining o‘rinbosari, Mahalla va nuroniyarlarni qo‘llab-quvvatlash bo‘limi boshlig‘i
5	A. Xolmatov	Shirin shahar ichki ishlar bo‘limi boshlig‘i
6	J. Toshqulov	Xalq deputatlari shahar Kengashining Sud-huquq masalalari va korrupsiyaga qarshi kurashish masalalari bo‘yicha doimiy komissiyasi raisi
7	U. Xaydarov	Xalq deputatlari shahar Kengashining Yoshlar siyosati, xotin-qizlar va gender tenglik masalalari bo‘yicha doimiy komissiya raisi
8	D. Djumaboyeva	Respublika Ma’naviyat va ma’rifat markazi Shirin shahar bo‘limi rahbari
10	L. Zokirov	Shirin shahar bosh imom-xatibi
11	M. Erkinov	Shirin shahar Madaniyat bo‘limi boshlig‘i
12	J. Jumanazarov	Shirin shahar xalq ta’limi bo‘limi mudiri
13	B. Mamadvaliyev	Shirin shahar tibbiyot birlashmasi bosh shifokori
14	Lavozimiga ko‘ra	Sanitariya-epidemiologik osoyishtalik markazi bo‘limi rahbari
15	F. Alimov	Yoshlar ishlari agentligi shahar bo‘limi rahbari
16	N. Tirkasheva	Shirin shahar FXDYo bo‘limi mudirasi v.b.
17		Shirin shahar mahalla fuqarolar yig‘inlari raislari

Izoh: Komissiya a’zolari boshqa ishga o‘tgan taqdirda, uning tarkibiga ushbu lavozimlarga yangidan tayinlangan shaxslar kiritiladi.